

# BONEIRU LIBER DI PLÈSTIK!

# PREGUNTA i KONTESTA

## KUA PRODUKTO PA UN SÒLO USO TA PROHIBÍ?

E prohibishon ta trata tur produktonan di plèstik pa un solo uso i ku despues ta ser tirá afó.

For di 1 di yüni 2022 ta prohibí pa bende òf regalá e siguiente produktonan:

- palito di plèstik
- richi di plèstik
- tas di plèstik (tras trahá di plèstik ku òf sin man)
- bestèk di plèstik (manera kuchara, fòrki, kuchú i otro produktonan ku ta ser usá ora di kome)

For di 1 di ougùstùs 2022 tambe bakinan di kuminda di foam ta keda prohibí. Por ehèmpel:

- Baki di foam (ku of sin tapadera)
- Beker di foam pa bebe sòpi

## KIKO TA PLÈSTIK I PA KIKO E TA SER PROHIBÍ?

Plèstik ta un material sintétiko i esaki no ta un material natural. E ta ser trahá (kímikamente) dor di hende. E ta ser kreá dor di meskla sustansianan ku otro. Tin diferente sorto di materialnan sintétiko. E prohibishon no ta trata solamente di plèstik, pero di tur material sintétiko. Tambe di materialnan sintétiko ku un base biológiko (bio-plèstik) i bakinan di kuminda di foam.

### *Kiko ta plèstik i pa kiko e ta ser prohibí: kontinuá*

Si nos por a bolbe usa e produktonan aki, nos lo no prohibí nan. Pero lamentablemente, nos no por bolbe usa e materialnan sintétiko aki na Boneiru. Plèstik desechabel hopi biaha ta bira sushi ku ta keda tirá abou na suela. Pa e motibu aki OLB ta prohibí kompletamente algun produkto di material sintétiko.

## DIKON TA PROHIBÍ BIO- PLÈSTIK TAMBE?

Tin biaha tin konfushon tokante plèstik i bio-plèstik. Bio-plèstik ta un material sintétiko ku un base natural, manera maizena òf kaña. Pa e motibu aki e ta zona manera e no ta asina malu pa e medio ambiente. Pero esaki no ta berdat. Bio-plèstik tin e mesun kualidatnan negativo ku plèstik normal. E no ta keda desmantelá den naturalesa. Ora e bai den naturalesa, e tambe ta bira sushi ku ta keda tirá abou na suela. Asina ta susha naturalesa. Pa e motibu aki produktonan desechabel di bio-plèstik tambe ta keda prohibí for di 1 di yüni 2022.

## PA KEN E PROHIBISHON TA KONTA?

E prohibishon ta konta pa tur hende na Boneiru ku ta bende òf regalá produktonan di plèstik pa un solo uso. Pues ta trata di tur material sintétiko ku ta ser usá un biaha i ku ta ser tirá afó despues. Manera bakinan di kuminda di foam i richinan di plèstik.



## *Pa ken e prohibishon ta konta: kontinuá*

Esaki ta relevante pa e sigiente personanan, por ehèmpel:

- Produktornan
- Importadornan ku ta importá produktonan for di un otro país
- Empresarionan ku tin tienda
- Empresarionan ku tin restorant
- Empresarionan ku tin webshop

Resumí: e prohibishon ta konta pa henter e komèrsio minorista i servisio na Boneiru.

## KIKO TA BAKINAN DI KUMINDA DI STYROFOAM?

Styrofoam ta nifiká foam. Empakenan di foam ta ser usá pa pone kuminda aden ku bo por kome mesora. E foam ta pone ku e kuminda ta keda kayente ora di entrega.

E prohibishon di bakinan di kuminda di foam ta enserá solamente bakinan di styrofoam. E prohibishon ta trata solamente di e empakenan pa kuminda ku bo por kome mesora.

Por ehèmpel:

- Bakinan di foam (ku òf sin tapadera)
- Beker di foam pa bebe sòpi

E prohibishon **no** ta konta pa empakenan di otro material. Por ehèmpel:

- Bakinan di kuminda di plèstik òf un otro material sintétiko. Por usa bakinan di kuminda di plèstik si.
- Bakinan di foam (styrofoam) pa kuminda ku mester prepará ainda. Por ehèmpel un baki di foam ku karni aden den supermerkadu
- Beker di foam pa bebe

## KI DIA E PROHIBISHON TA DRENTA NA VIGOR?

For di 1 di yùni 2022 ta prohibí pa bende òf regalá palito di plèstik, richi di plèstik, tas di plèstik i kuchu ku fòrki di plèstik na Boneiru. E prohibishon aki tambe ta konta pa bio-plèstik i otro materialnan sintétiko.

For di 1 di ougùstus 2022 ta keda prohibí pa bende òf regalá bakinan di kuminda di foam (styrofoam).

## KON TA MANTENÉ E PROHIBISHON?

Polis por kontrolá si un negoshante tin plèstik desechabel na stòk, si e ta bende òf regalá esaki.

Bo ta deseá mas informashon tokante e prohibishon aki? Por lesa artíkulo [32, 33 i 34 di Eilandsverordening Afvalstoffen](#). E prohibishon nobo di plèstik desechabel ta un agregashon na e Eilandsverordening Afvalstoffen. Dia 19 di oktober 2021, Konseho Insular a akseptá e [eilandsverordening pa prohibishon di plèstik desechabel na Boneiru](#).



# BONAIRE PLASTIC FREE!

# PREGUNTA i KONTESTA

## BAKINAN DI KUMINDA DI FOAM TA KEDA PROHIBÍ, PERO BEKERNAN PA BEBE NÒ. MI POR USA BEKER DI FOAM PA BEBE SÒPI?

Nò, esaki no por. E prohibishon ta konta pa bakinan di foam pa empaketá kuminda ku bo por kome mesora. Esaki ta konta tambe pa bakinan di foam ku bo ta usa pa warda kuminda aden. For di 1 di ougùstùs ta prohibí pa bende òf regalá beker òf cup di foam.

Si por keda usa beker di foam pa bebe kòfi. Ta prohibí pa pone sòpi den e beker di kòfi. E verordening ta prohibí esaki.

## ESAKI TA E NIFIKASHONAN MANERA TA SER USÁ DEN E VERORDENING:

### **Kuminda**

Kuminda ku ta ser usá pa desayuno, almuerzo, sena òf un snack. Kumindanan por ta kayente òf friu. Bijgerecht tambe ta kai bou esaki.

### **Empakenan di kuminda**

Produktonan sintétiko pa empaketá kuminda. Karakterístikanan di e sorto di kumindanan aki ta:

- Un persona por kome e kuminda mesora òf por hiba esaki pa kome
- Un persona por kome e kuminda mesora for di e empake
- E kuminda ta kla pa kome. E persona no mester hasa, kushiná of keinta e kuminda.

